

i primljen kod Allaha dž.š..

Trebamo dočekati ramazan sa čvrstom odlukom da ostavljamo sve vrste grijeha, sa iskrenim pokajanjem od svih grijeha koje smo počinili, i odlukom da se više nećemo vratiti istim.

“I svi se Allahu pokajte, o vjernici, da biste postigli ono što želite.” (En-Nur, 31)

Na kraju, ako bismo željeli sažeti i ukratko opisati kako svaki musliman i muslimanka trebaju dočekati ramazan onda bismo to mogli iskazati na sljedeći način: Trebamo dočekat ramazan poput suhe i ispucale zemlje kojoj je potrebna kiša, žednog čovjeka u pustinji kada ugleda vodu ili poput iščekivanja voljene osobe koja je odsutna, a koja je na putu da nam dođe.

Možda se donekle odnos prema ramazanu može dočarati jednom poučnom hikajom u kojoj se kaže da je neka vojska tokom vojnog pohoda ušla u mračnu šumu. Šuma je bila toliko mračna da nisu vidjeli prst pred okom. Idući tako, osjetili su kako hodaju preko nekog kamenja. Tada su začuli glas kako govori: „*Ako uzmete tog kamenja pokajat ćete se, a ako ne uzmete opet ćete se pokajati.*“ *Neki od njih su mislili da, ako*

će se već pokajati, onda neće ništa nositi, što bi se bespotrebno teretili. Drugi su za svaki slučaj ponijeli sa sobom nekoliko kamenčića. Kada su izašli iz šume vidjeli su da su ti kamenčići ustvari dragulji, pa su se oni koji su uzeli malo pokajali što nisu uzeli više, a oni koji nisu ponijeli ništa sa sobom, pokajali su se što nisu uzeli barem jedan kamen. Eto tako je to s Ramazanom. Zato, braćo i sestre, trudimo se i pripremimo da uzmemo što više „ramazanskih dragulja“.

Uzvišeni i Milostivi Allahu, omogući nam da dočekamo ramazan, i da ga provedemo onako kako to čine Tvoji iskreni robovi!

Amin!

Prethodne hutbe potražite na našoj stranici: www.medzlis-split.org

Pripremio: Vahid ef. Hadžić

Split, 19.5.2017.

